

## Риёзус солиҳийн шарҳи / Риёзус солиҳийн шарҳи / 767-ҳадис

767 - وَعَنْ سَعِيدِ بْنِ الْحَارِثِ أَنَّهُ سَأَلَ جَابِرًا رَضِيَ اللَّهُ عَنْهُ عَنِ الْوُضُوءِ مِمَّا مَسَّتِ النَّارُ، فَقَالَ:  
لَا؛ قَدْ كُنَّا زَمَنَ النَّبِيِّ صَلَّى اللَّهُ عَلَيْهِ وَسَلَّمَ لَا نَجِدُ مِثْلَ ذَلِكَ الطَّعَامِ إِلَّا قَلِيلًا، فَإِذَا نَحْنُ وَجَدْنَاهُ لَمْ  
يَكُنْ لَنَا مَنَادِيلٌ إِلَّا أَكْفَمْنَا وَسَوَاعِدَنَا وَأَقْدَامَنَا، ثُمَّ نُصَلِّي وَلَا تَتَوَضَّأُ. رَوَاهُ الْبُخَارِيُّ [5457].

767. Саид ибн Ҳорис розияллоху анҳудан ривоят қилинади:

«Бу киши Жобир ибн Абдуллоҳ розияллоху анҳудан олов теккан нарса туфайли таҳорат қилиш ҳақида сўради. Шунда у: «Йўқ. Набий соллаллоху алайҳи васалламнинг замонларида бундай таомни камдан-кам топар эдик. Топганимизда эса дастрўмолимиз фақат кафтимиз, билагимиз ва оёғимиз бўларди. Кейин намоз ўқир эдик, таҳорат қилмасдик», деди».

*Имом Бухорий ривояти.*

**Шарҳ:** Олов теккан нарсдан мурод оловда пишган гўштдир. Исломнинг аввалида оловда пишган гўшни еган одам таҳорат қилиши лозим бўлган. Кейинчалик бу насх бўлиб, амалдан қолдирилган.

Нубувватнинг аввалги пайтида таом оз бўлган. Пайғамбаримизнинг саҳобалари дин ҳимояси учун яшаш торликларига сабр қилишган. Саҳобалар учун диннинг эътибори овқат ва ичимликдан муҳим бўлган.

Манба: [hadis.islom.uz](http://hadis.islom.uz)



HADIS.ISLOM.UZ  
NUBUVVAT MARVAIDLARI

